

अथाष्टादशोऽध्यायः

ठाह्रमाँ मोक्ससन्न्यासयोग अब्दुयाय

अर्जुन उवाच

सन्न्यासस्य महाबाहो, तत्त्वमिच्छामि वेदितुम्।
त्यागस्य च हृषीकेश, पृथक्केशिनिषूदन ॥ १

अर्जन बोल्ल्या

(प्रसन करे दो अर्जन नै)

‘सन्न्यास’ का हे महाबाहू, तन्त चाहूँ जाणना मैं सूँ।
‘त्याग’ का बी इन्द्रियाँ के हे, पालक, न्यारा, केसि असुर नै।
मारण आळे क्रिस्ण, बता तँ ॥ १

श्रीभगवानुवाच

काम्यानां कर्मणां न्यासं, सन्न्यासं कवयो विदुः।
सर्वकर्मफलत्यागं, प्राहुस्त्यागं विचक्षणाः ॥ २

श्रीभगुवान बोले

(उन का उत्तर दिया किसन नै)

‘चाह फळों नै करदे जो उन, कर्माँ का ‘सम्’ आच्छी तहियाँ।
बान्धेँ नाँ जो माणस नै वो, इस तहियाँ तँ कर केँ धरणा ॥
‘न्यास’ ‘सम्’ अर मिळें ये बणदा, ‘सन्न्यास’ इसा ग्यात्री जाणें।
‘मैं सूँ नाँ ए, इन का कर्ता, इन्द्री मन बुद्धी सँ करदे’ ॥
सोच समझ न्यूँ करम त्यागणा, कर केँ बी यो सै नाँ ए करणा।
सब तहियाँ के कर्माँ का फळ, छोड, हटा केँ उन तँ ममता ॥
उन का करणा ‘त्याग’ बोलदे, खास तहाँ तँ छाँट-छाँट केँ।
दुनियाँ नै ये देख्रण आळे, कर्म’र फळ मैं किस पै इन का।
चाह्लै बस सै, या वो समझें ॥ २

त्याज्यं दोषवदित्येके, कर्म प्राहुर्मनीषिणः।
यज्ञदानतपःकर्म, न त्याज्यमिति चापरे ॥ ३

(करम छोडणै पै दो मत)

‘छोडुँ माणस खोट, कमी तँ, भरी चीज नै, रीत जगत् की।
इस केँ कारण दोस भर्या जो, कर्म त्यागणा वो चहिये ॥
कोए कहँदे ग्यात्री ये सँ, ‘यग दान’र तप नहीं छोडणे।
चहियँ करणे माणस नै ये’, या सँ कहँदे दूजे ग्यात्री ॥ ३

निश्चयं शृणु मे तत्र त्यागे भरतसत्तम।
त्यागो हि पुरुषव्याघ्र, त्रिविधः संप्रकीर्तितः ॥ ४

(किरसण का निर्णे)

निर्णे सुण तँ मेरा अर्जन, इस ‘त्याग’ सबद केँ बारै मैं।
भरत बंस के लोग्गाँ मैं हे, सब तँ आच्छे बाघ जिसे नर।
क्यूँकी तजणा, त्याग, छोडणा, तीन तहाँ का खोल बताया ॥ ४
यज्ञदानतपःकर्म, न त्याज्यं कार्यमेव तत्।
यज्ञो दानं तपश्चैव, पावनानि मनीषिणाम् ॥ ५

(तीन करम सै नहीं छोडणे)

यग, दान, तपस्या, करम तीन ये, कोए बी नाँ छोडुण जोगगा।
करणा ए वो चहिये सब नै, यग दान तपस्या ए हौँ सँ ॥
सुद्ध पवित्तर, निर्मल करणे, मन नै कर केँ बस मैं इस नै।
आष्णी राह चलावणियाँ के ॥ ५

एतान्यपि तु कर्माणि, सङ्गं त्यक्त्वा फलानि च।
कर्तव्यानीति मे पार्थ, निश्चितं मतमुत्तमम् ॥ ६

(किस तहियाँ यँ करम करै माणस)

यँ बी, किन्तू, करम तीन सँ, ‘कर्ता सूँ’, या आसक्ती।
‘फळ बी मत्रै नाँ चहिये’, इसी समझ तँ छोड फळों नै ॥

करणे चहियँ माणस नै ये, यो मेरा पिरथासुत अर्जन।
पक्का मत सै निस्चित मान्या, सब तँ आच्छा मात्रूँ मैं यो ॥ ६

नियतस्य तु संन्यासः, कर्मणो नोपपद्यते।

‘नियत’ बताया नित्त नियम तँ, सास्त्रविधी तँ करणा जिस का।
इसै करम का त्याग सही नाँ ॥

मोहात् तस्य परित्यागसु, तामसः परिकीर्तितः ॥ ७

(तीन तहँ के त्याग)

अग्यान कारणै भरमित का, उसै छोडणा तमोगुणी सै ॥ ७

दुःखमित्येव यत् कर्म, कायक्लेशभयात् त्यजेत्।

स कृत्वा राजसं त्यागं, नैव त्यागफलं लभेत् ॥ ८

‘पचड़याँ मैं क्यूँ पड़णा?, इस मैं, क्लेस भोत-से करणे हँगे।
बैठ चैन तँ, काया नै क्यूँ, तोडै सँ तँ यो सब कर कै?’ ॥
न्यूँ सोच करम तँ भाज्या डर कै, माणस वो कर त्याग राजसी।
नाँ ए करमत्याग का फळ ले ॥ ८

कार्यमित्येव यत्कर्म, नियतं क्रियतेऽर्जुन।

सङ्गं त्यक्त्वा फलं चैव, स त्यागः सात्त्विको मतः ॥ ९

‘करणा ए सै’, न्यूँ सोच समझ, करम नियम तँ, सास्त्रविधी तँ।
नित्य बताया आसक्ती तज, फळ बी तज कै करै, त्याग यो।
सतोगुणी सै मात्र्या अर्जन ॥ ९

न द्वेष्ट्यकुशलं कर्म, कुशले नानुषज्जते।

त्यागी सत्त्वसमाविष्टो, मेधावी छिन्नसंशयः ॥ १०

(त्यागी के लच्छण)

‘कुसा तोड़दँ हाथ कटै नाँ’, न्यूँ जो तोड़ै ‘कुसल’ कुहावै।
होम करण मैं हाथ जळै नाँ, इसा करणियाँ ‘कुसल’ कुहावै ॥
ज्यूँ करणै तँ हानी नाँ हो, न्यूँ करणै नै कहँ ‘कुसलता’।

आसक्ती अर फळ की इच्छा, कर कै करम करे, वै देवै ॥
जनम-मरण के बन्धन, इन कै, मध मैं, होन्दे बचपन जोबन।
अङ्ग-अङ्ग नै जीरण-सीरण, करदै दुस्ट बुढापै कै ॥
सुख-दुख मैं वै गेरँ, बान्धँ, ‘अकुसल’ इस तँ हो सँ सारे।
द्वेस करै नाँ उन तँ अर जो, ‘कुसल’ करम मैं, आसक्ती अर ॥
फळ की इच्छा छोड करम जो, करदा किन्तू उत नाँ रमदा।
वो सै त्यागी सतगुण बैढ्या, सत्त्व समाया उस कै कण-कण ॥
‘मेधा’ बुद्धी, मती मनन तँ, स्थापित करदी, धारण करदी।
तन्त बस्तु का समझा कर कै, उस नै पा वो सही प्रसंसित।
छिन-भिन होए संसै आळा ॥ १०

न हि देहभृता शक्यं, त्यक्तुं कर्माण्यशेषतः।

यस्तु कर्मफलत्यागी, स त्यागीत्यभिधीयते ॥ ११

नाँ कायाधारी कोए जो, तन नै पुस्ट करण मैं लाग्ग्या।
सकै छोड सै कर्माँ नै वो, पूरी तहियाँ करण सोच तँ ॥
जो सै, किन्तू, कर्माँ का फळ, त्यागै उन नै नाँ ए चाहै।
करदा आप्णे करम सबी जो, वो सै ‘त्यागी’ बोल्ल्या जावै ॥ ११

अनिष्टमिष्टं मिश्रं च, त्रिविधं कर्मणः फलम्।

भवत्यत्यागिनां प्रेत्य, न तु संन्यासिनां क्वचित् ॥ १२

(कर्माँ के फळ तीन तहँ के)

ना भाँदा, चाह्या, मिल्या-जुल्या, तीन तहँ का कर्माँ का फळ।
होवै फळ नाँ त्यागगणियाँ का, मरणै पाच्छै नाँ पर होवै।
त्याग करणियाँ का कितै ॥ १२

पञ्चैतानि महाबाहो, कारणानि निबोध मे।

सांख्ये कृतान्ते प्रोक्तानि, सिद्धये सर्वकर्मणाम् ॥ १३

(पाँच्चाँ तँ सब करम बणँ सँ)

पाँच ये तैं रैं महाबाहू, कारण जाण मेरै तैं न्यूँ।
सही तहँ तैं, गिण-गिण कैँ जो, ततव बतावै खोल जगत् के॥
'सम्यक्' आच्छी तहियाँ 'ख्याती' दर्सन जग का, 'साङ्ख्य' बताया।
'साङ्ख्य' नाम सै वो यो सास्तर, परम ततव नै समझण खात्तर॥

गिणती सारी छोड पिछाड़ी, एक ततव पै जा कैँ पाँहच्या।
सारे बेहँ ग्यात्राँ का अर, 'अन्त' बताया 'तोड़' जगत् का॥
कर्यै करम कैँ बन्धन फळ का, अन्त बतावै सही तहँ तैं।
'ख्यान' बखाण करै यो सास्तर, उस मैं बोले सिद्ध करण नैं॥
सारे करम करे जो ज्याँवैं, जिन का त्याग सही नाँ होन्दा।
उन की सिद्धी की खात्तर, पाँच बताए कारण आगै॥ १३

अधिष्ठानं तथा कर्ता, करणं च पृथग्विधम्।

विविधाश्च पृथक् चेष्टा, दैवं चैवात्र पञ्चमम्॥१४

१इच्छा, गुस्सा, लोभ, द्वेष अर, इन तैं होणाळी चेस्टा अर।
सुख-दुख की या आस्रै काया, जित है प्रगटँ सारे गुण सैं॥
२बुद्धि उपाधी मैं आभासित, चित् सै मात्रै खुद नै कर्ता।
काया मैं रह इन नै भोगै, ३भार-भीतरी साधन इन्द्री॥
करम ग्यान के बिसयाँ का ये, भोग करावैं बण कैँ साधन।
४इन के हौँ सैं भाँत-भाँत के, न्यारे-न्यारे खूब कमन्तर॥
५देव जाणदा किस का कित कद, प्रारब्ध भोग हो वो क्यूँकर।
६आस्रै काया, ७कर्ता, भोक्ता, जीवात्मा के ८साधन इन्द्रिय॥
पाँच करम की, पाँच ग्यान की, दोन्नूँ सँग सै, लागै मनसा।
बुद्धि बाहर्वीँ इन की राणी, ९तहँ-तहँ की हरकत सब की।
१०प्रारब्ध चुकावै देव पाँचमाँ, इन कैँ कारण करम सिद्ध हौँ॥ १४

शरीरवाङ्मनोभिर्यत्, कर्म प्रारभते नरः।

न्याय्यं वा विपरीतं वा, पञ्चैते तस्य हेतवः॥१५

काया, वाणी मन कैँ द्वारा, जो कर्म सरु करदा माणस।

करम सही हो, नहीं सही या, पाँचूँ ये सैं उस के कारण॥ १५

तत्रैवं सति कर्तारमात्मानं केवलं तु यः।

पश्यत्यकृतबुद्धित्वान्, न स पश्यति दुर्मतिः॥१६

(समझ न आत्मा नै ए कर्ता)

इन सब मैं ए इसी स्थिती मैं, कर्ता खुद नै सिरफ समझदा।
नाँ या समझ सही सै उस की, इस कैँ कारण नाँ वो समझै।

खोटी दूसित बुद्धी आळा॥ १६

यस्य नाहंकृतो भावो, बुद्धिर्यस्य न लिप्यते।

हत्वापि स इमाल्लोकान्, न हन्ति न निबध्यते॥१७

(कोण न कर्ता करम कर्यैँ बी)

जिस कैँ नाँ हङ्कार भाव सै, 'मैं सूँ कर्ता, मैं सूँ ग्याता'।
न्यूँ सै माणस जो नाँ समझै, 'बुद्धि' करण जो सूक्ष्म भीतरी॥
उपाधि-रूप जो आत्मा की सै, नाँ वो ल्हिसदी कर्तापण मैं।
मार गिरा बी इस दुनियाँ नै, नाँ मारै अर नाँ ए बँधदी॥ १७

ज्ञानं ज्ञेयं परिज्ञाता, त्रिविधा कर्मचोदना।

करणं कर्म कर्तेति, त्रिविधः कर्मसंग्रहः॥१८

(करम करण मैं तीन जरूरी)

१ग्यान, २बिसै जो जाण्या जावै, ३ग्यान क्रिया का कर्ता ग्याता।
चित् चेतन आत्मा प्रतिबिम्बित, अचिद्, अचेतन बुद्धी मैं वो॥
इन मैं गाँठ पड़ी या इसबिध, बुद्धी खुद नै चेतन समझै।
भासित, कल्पित, आरोपित यो, ग्याता कर्ता, भोक्ता हो सै॥
तीन तहँ की क्रियाविधी, तीन्नूँ कट्टी सब कर्माँ मैं।
करैँ प्रवर्तित, इन नै समझो, करण, करम अर कर्ता ये सैं॥
तीन क्रिया का आस्रै होवैं, इन मैं स्थित सै किरिया होन्दी।
सङ्छेप क्रिया का तीन तहँ तैं, ग्यानी जन नै सही बताया॥

बाक्की कारक इन मैं सिमटे, बिसै स्थान कै भेद कारणै।
 'कर्म' क्रिया का बिसै दूर हो, ईप्सित मात्र होवै जिद वो।।
 कहँ सम्प्रदान तद करम नै, सर्वसधारण आस्रै दो सँ।
 देस, काल, जिद इन मैं कर्ता, संयोग वियोगाँ की स्थिति मैं।।
 करम बणै आधार क्रिया का, अपादान बी होवै तद सै।
 करम करण का आस्रै कर्ता, फळ जो हो सै इस कै खात्तर।।
 करणै मैं आजाद करण नाँ, करण नहीं खुद करम करै सै।
 कर्ता तँ वो प्रेरित साधन, कर्ता ए न्युँ आस्रै सब का।
 आजादी तँ आस्रै सब का, आस्रै सब का, सब का, सब का।। १८

ज्ञानं कर्म च कर्ता च, त्रिधैव गुणभेदतः।

प्रोच्यते गुणसंख्याने यथावच्छृणु तान्यपि।। १९

(ग्यान, करम ओर कर्ता तीन तहँ के)

'ग्यान' जाणना, 'करम', बिसै अर, 'कर्ता' करणाळा, तीन तहँ के।
 तीन गुणाँ कै भेद कारणै, बोळै जो सँ गिणै गुणाँ नै।।
 उस तँ होन्दी सिस्टी नै, गिण कै आँगळियाँ पै धरदे।
 ग्यात्री जन नै न्युँ-के-न्युँ सुण, उन नै बी इब अर्जन, मत्तँ।। १९

सर्वभूतेषु येनैकं, भावमव्ययमीक्षते।

अविभक्तं विभक्तेषु, तज्ज्ञानं विद्धि सात्त्विकम्।। २०

(ग्यान के ये तीन भेद सँ)

१पाँच भूत तँ बणी खड़ी इन, जड़ अर चेतन सब चीज्जाँ मैं।
 सब काळाँ मैं, सब जागघाँ मैं, अविनासी एक ततव नै पा।।
 उस नै देक्खै माणस स्याम्हीं, नहीं बँड्या वो बँड्याँ-खिण्ढ्याँ मैं।
 न्यारे-न्यारे दिखदे सब मैं, 'ग्यान' समझ ले सतोगुणी वो।।
 होणा, केवल, होणा सत् सै, सबै अँधेरे इस तँ दूरै।
 टूट्टण आळी, बिगड़ण आळी, टूट्टे पाच्छै जो सै रहँदा।।

एक अनादी ओर अनन्ता, वो ए दीक्खै, सत् के दूजा?।। २०

पृथक्त्वेन तु यज्ज्ञानं, नानाभावान् पृथग्विधान्।

वेत्ति सर्वेषु भूतेषु, तज्ज्ञानं विद्धि राजसम्।। २१

१अलग-अलग कर अलग रूप मैं, सब देहाँ मैं भिन-भिन होन्दा।
 न्यारी-न्यारी तहियाँ का जो, 'ग्यान' जणावै उस नै अर्जन।

'ग्यान' समझ ले रज गुण आळा।। २१

यत्तु कृत्स्नवदेकस्मिन्, कार्ये सक्तमहैतुकम्।

अतत्त्वार्थवदल्पं च, तत् तामसमुदाहृतम्।। २२

२जो तो सम्पूरण की तहियाँ, एक वस्तु काया मूरत नै।
 बिसै बणा कैँ उस मैं लागै, बिना युक्त कै, बिना कारणै।।
 सार किमे नाँ जिस मैं होवै, थोड़ै बिसयाँ अर फळ आळा।

तमोगुणी वो ग्यान बताया।। २२

नियतं सङ्गरहितमरागद्वेषतः कृतम्।

अफलप्रेप्सुना कर्म, यत् तत् सात्त्विकमुच्यते।। २३

(करमाँ के बी तीन भेद सँ)

१सास्त्र बतावै जिस नै निश्चित, माणस खात्तर करणा, करणा ए।
 करणा सै यो नित न्युँ अर, २जाण समझ कैँ आसक्ति-रहित।।
 ३राग, द्वेष बी दूर राख कैँ, कर्या करम जो ४फळ नाँ चाहँदे।
 जो सै करम इसा, सै वो ए, सतोगुणी कह बोळ्या जान्दा।। २३

यत्तु कामेप्सुना कर्म, साहङ्गारेण वा पुनः।

क्रियते बहुलायासं, तद्राजसमुदाहृतम्।। २४

१जो तो मन नै आच्छे लागै, वो फळ चाह कैँ करम कर्या ज्या।
 २'मैं यो करणा', न्युँ 'मैं' मैं, करदा माणस या फिर उस नै।।
 दरप गरब तँ, फूल घमँड तँ, नाड़ उठा कैँ इत-उत देक्खै।
 ३कस्ट भोत से सह कैँ कर कैँ, मीन्हत भोत्ती कर कैँ होवै।

‘रजगुण आळा करम कर्या वो’, बोल्ल्या जाँदा सै रै अर्जन ॥ २४

अनुबन्धं क्षयं हिंसामनवेक्ष्य च पौरुषम्।

मोहादारभ्यते कर्म, यत् तत् तामसमुच्यते ॥ २५

१जो कर बँधदा पाच्छै माणस, उस कै फळ नै भोग्गण खात्तर।
जलम, मरण तँ, राग, द्वेष तँ, काम क्रोध तँ अर सुख दुख तँ ॥
आच्छै, माडै उस फळ नै अर, २जन धन, सक्ती की हानी नै।
३ओर किसै कै कस्ट दुक्ख नै, ४देक्ख्याँ बिन आप्णी ताक्कत नै ॥
५मोह मैं पड़ कै, बहकावै मैं आ, मूरखता तँ, नाँ-समझी तँ।
करम कर्या ज्या जो सै अर्जन, तमोगुणी वो बोल्ल्या जावै ॥ २५

मुक्तसङ्गोऽनहंवादी, धृत्युत्साहसमन्वितः।

सिद्धयसिद्धयोर्निर्विकारः, कर्ता सात्त्विक उच्यते ॥ २६

(तीन तहाँ का कर्ता हो सै)

१सोच-समझ कै, सुभाव तँ या, आसक्ति चीज मैं जो छोड्डै।
२मैं-मैं’ बी जो बोल्लणियाँ नाँ, ३थ्यावस ४हिम्मत तँ हो पूरण ॥
५काम बणै या नाँ बण पावै, बिगडै नाँ ए मन पर उस का।
सुख दुख मन मैं नाँ ए मात्रै, इसा करणियाँ माणस अर्जन।
बोल्ल्या जान्दा सतोगुणी सै ॥ २६

रागी कर्मफलप्रेप्सुर्, लुब्धो हिंसात्मकोऽशुचिः।

हर्षशोकान्वितः कर्ता, राजसः परिकीर्तितः ॥ २७

१फँस्या पड्या हो भोग्गाँ मैं मन, उन कै रँग मैं रँग्या, धँस्या हो।
२करमाँ का फळ पाणा चाहै, फळ पाणै नै ए करम करै ॥
३लोभी, ४ओराँ नै पीड़ा अर, कस्ट देणियाँ, हो ५अपवित्तर।
तन मन वाणी तँ हो गन्दा, ६ब्योहाराँ मैं नाँ सुच्चा ॥
७पा कै कुछ खुस, ८खौ कै दुक्खी, ९मूँह लटका कै बैट्टणियाँ।
ग्यात्रीराम बतावै यो सँ, इसा करणियाँ रजोगुणी सै।

सिवनारायण बी न्यूँ कहँदा ॥ २७

अयुक्तः प्राकृतः स्तब्धः, शठो

नै ष कू ति क ा ऽ ल स : ।

विषादी दीर्घसूत्री च, कर्ता तामस उच्यते ॥ २८

१नाँ काब्बू मैं मन निचळा, बिसयाँ पाच्छै भाज्ज्या रहँदा।
२खाणा, पीणा, सोणा, डरणा, मन मर्जी तँ चाल्लै करदा ॥
सुभा प्रव्रिती अनगढ जिस की, देहधरम मैं रमड्या रहँदा।
३ढीठ, अडणियाँ थम्बै-सा जो, अकडू-फकडू, झुक नाँ सकदा ॥
आष्णी गल्ती जो नाँ मात्रै, ४दुस्ट, प्रपञ्ची, छळ्-छन्दी अर।
५ओराँ नै जो नीच्चा समझै, अपमान करै अर जो उन का ॥
६‘अ-लस’ अळकसी ओर निकम्मा, सोभा नाँ जो पावै बैट्ट्या।
७रहै निरासा मैं अर दुक्खी, ८‘लाम्बी कातै मामूली-से बी ॥
काम्माँ मैं जो देर लगावै, इसा करणियाँ तमोगुणी सै।
कहँदे ग्यात्रीराम इसा सँ, दमकस सिवनारायण बी सै ॥ २८

बुद्धेर्भेदं धृतेश्चैव, गुणतस्त्रिविधं शृणु।

प्रोच्यमानमशेषेण, पृथक्त्वेन धनंजय ॥ २९

(समझ रै थ्यावस तीन तहाँ के)

बुद्धी के अर थ्यावस के बी, गुण कै कारण तीन तहाँ के।
भेदाँ नै तँ सुण ले अर्जन, तीन तहाँ के बता रह्या मैं ॥
बाक्की नाँ कुछ छोड, अलग तँ, जुद्ध जीत कै दुस्मन का रै।
माळ जीतणै आळे अर्जन ॥ २९

प्रवृत्तिं च निवृत्तिं च, कार्याकार्ये भयाभये।

बन्धं मोक्षं च या वेत्ति, बुद्धिः सा पार्थ, सात्त्विकी ॥ ३०

(सतोगुणी बुद्धी)

१आच्छे काम्माँ मैं लाग्गण नै, २बुरै करम तँ हटण, बचण नै।

३करणै जोगगा, ४जो नाँ करणा, इन नै ५कित कद अर किस तँ सै ॥
चहिये डरणा, अर ६डरणा नाँ, डर ओर निडरता, दोनूँ नै।
७बँधदा कद, कित, किस कै कारण, यो, अर ८नर छूटै किस तहियाँ।
यो जो जाणै समझै बुद्धी, वा पिरथासुत, सतोगुणी सै ॥ ३०

यया धर्ममधर्म च, कार्य चाकार्यमेव च।

अयथावत्प्रजानाति, बुद्धिः सा पार्थ राजसी ॥ ३१

१जो ए कर कै सही तहाँ तँ, चाल्लै जग, हो उस का धारण।
कस्ट दुख मँ गिरण पड़ण तँ, बचदा माणस जो करणँ तँ ॥
'धर्म' कुहावै सै वो करणाँ, २जो करणँ तँ हों दुख बाधा।
धरमबिरोधी उस करणै नै, 'अधरम' कहँदे ग्यात्री जन सँ ॥
३करणा जो अर ४नाँ ए करणा, ५सै जिस तहियाँ का, उस तहियाँ।
नाँ जाणै जो बुद्धी, वा सै, रजोगुणी, तँ या जाण समझ ॥
हे पिरथा भूआ के सुत अर्जन ॥ ३१

अधर्म धर्ममिति या, मन्यते तमसा वृता।

सर्वार्थान् विपरीतांश्च, बुद्धिः सा पार्थ तामसी ॥ ३२

१अधरम नै जो धरम समझदी, गलत सही मँ फरक न करदी।
२अग्यान अँधेरा जित छाया, ३सारे ग्यानबिसै जो, उन नै ॥
उल्टा समझै समझावै जो, वा बुद्धी सै पिरथा के सुत।
अर्जन तमोगुणी यो समझो ॥ ३२

धृत्या यया धारयते, मनःप्राणेन्द्रियक्रियाः।

योगेनाव्यभिचारिण्या, धृतिः सा पार्थ सात्त्विकी ॥ ३३

थ्यावस, धीरज, टिकणा मन का, आपणै निस्चै पै द्रिढ रहणा।
जिस तँ माणस १धारण करदा, मन प्राण'अर सारी इन्द्री की ॥
किरिया, चेस्टा सारी ए वँ, २मन नै कर कै एकागगर अर।
काबू मँ कर ओर कितै नाँ, जान्दै टिकदै धीरज तँ सै।

थ्यावस, ध्रिति वो धीरज अर्जन, पिरथा के सुत, सतोगुणी सै ॥ ३३

यया तु धर्मकामार्थान्, धृत्या धारयतेऽर्जुन।

प्रसङ्गेन फलाकाङ्क्षी, धृतिः सा पार्थ राजसी ॥

३

४

जिस धीरज तँ तो सै अर्जन, धर्म, काम अर, अर्थ पदारथ।
'धर्म' धरै जो जीवन धार्या, कर्म करै जो माणस परहित ॥
परलोक लोक नै वो साद्धै, देह धर्यै का यही प्रयोजन।
'इच्छा' कै सँग जलमै प्राणी, इच्छापूती ओर प्रयोजन ॥
'धर्म', 'काम' हों दोनूँ पूरण, 'अर्थ' प्रयोजन साद्धण तँ सँ।
जिस धीरज तँ इन नै धारै, धारै आसक्ती तँ बँध कै ॥
चाहै फळ जो धीरज वो हे, पिरथा के सुत, रजोगुणी सै ॥ ३४

यया स्वप्नं भयं शोकं, विषादं मदमेव च।

न विमुञ्चति दुर्मेधा, धृतिः सा पार्थ तामसी ॥ ३५

जिस तँ १सोणा, २डर अर, कोए, ३प्यारी चीज बिछड़ कै होवै।
सोग चित्त मँ भारी अर, ४मन बी बैट्ट्या, दुखी रहै जो ॥
'तन, जन, धन, बल, बिद्या, सोहरत, नसा घणा इन का, ऐब्बाँ का।
इन नै छोडुँ नहीं कुबुद्धी, थ्यावस, पारथ तमोगुणी वो ॥ ३५

सुखं त्विदानीं त्रिविधं, शृणु मे भरतर्षभ।

(सुख बी हो सै तीन तहाँ का)

सुख बी यो तीन तहाँ का तँ, सुण मत्तै भरताँ मँ आच्छे।

अभ्यासाद्रमते यत्र, दुःखान्तं च निगच्छति ॥ ३६

(सुख का लच्छण)

बार बार कर रमडै जिस मँ, आनँद माणस मान्नै सै अर।

ओड़ दुःख का पावै सै जो, वो ए भाव कुहावै सुख सै ॥ ३६

यत्तदग्रे विषमिव, परिणामेऽमृतोपमम्।

तत् सुखं सात्त्विकं, प्रोक्तमात्मबुद्धिप्रसादजम् ॥ ३७

(तीन तर्हों का सुख)

१जो वो पहल्योँ झैर-जिसा हो, आक्खर मैं हो इमरत बरगा।
वो सुख सतोगुणी सै बोल्ल्या, आणी मत की निर्मळता तैं।
उत्पन होन्दा भीत्तर तैं वो, ग्यात्री कै अर खूबै हो सै ॥ ३७

विषयेन्द्रियसंयोगाद्, यत् तदग्रेऽमृतोपमम्।

परिणामे विषमिव, तत्सुखं राजसं स्मृतम् ॥ ३८

२सुन्दर महकै ओर रसीली, नरम-गरम अर ठण्डी भावै।
कान्नाँ मैं जो इमरत घोळै, इसी चीज नै देख सूँघ कैँ ॥
चाख जिबै अर छू कैँ सुण कै, आनँद मात्रै जो, सुख वो सै।
इन्द्री बिसयाँ कै जुड़नै तैं, सुख जो होवै माणस नै सै ॥
वो पहल्योँ इमरत-सा लागै, ३आक्खर मैं पर झैर जिसा हो।
वो सुख रजोगुणी कर कैँ न्युँ, याद कर्या जा दुनियाँ मैं सै ॥ ३८

यदग्रे चानुबन्धे च, सुखं मोहनमात्मनः।

निद्राऽऽलस्यप्रमादोत्थं, तत्तामसमुदाहृतम् ॥ ३९

(तमोगुणी सुख)

४जो पहल्योँ अर पाच्छै बी सुख, मोह मैं गेरै बुद्धी नै सै।
नौँद र अळकस गफलत तैं जो, हो सै वो तमोगुणी बोल्ल्या ॥ ३९

न तदस्ति पृथिव्यां वा, दिवि देवेषु वा पुनः।

सत्त्वं प्रकृतिजैर्मुक्तं, यदेभिः स्यात् त्रिभिर्गुणैः ॥ ४०

(किम्मे नाँ सै छुट्या गुणाँ तैं)

नाँ वो सै धरती पै कोए, सुरगाँ मैं देवाँ मैं या फिर।
चीज इसी सै आणी जड़ मैं, मूल प्रकृति मैं होणै आळे।

छूट्या सै इन तीन गुणाँ तैं ॥ ४०

ब्राह्मणक्षत्रियविशां, शूद्राणां च परंतप।

कर्माणि प्रविभक्तानि, स्वभावप्रभवैर्गुणैः ॥ ४१

(सुभा गुणाँ तैं बरण बणै सैं)

ब्राम्हण, छत्री, बैस्साँ के अर, सूद्राँ के हे दुस्मन नै तैं।
कस्ट देणिये, ताप चढाणे, अर्जन, करम बँड़े सैं उन के।
आण्योँ होणै सँग वैं जिस ए, सुभा धरम तैं परगट होन्दे।
तीन गुणाँ कै कारण सैं सब ॥ ४१

शमो दमस्तपः शौचं, क्षान्तिरार्जवमेव च।

ज्ञानं विज्ञानमास्तिक्यं, ब्रह्मकर्म स्वभावजम् ॥ ४२

(नो गुण हों तो ब्राम्हण होवै)

५मन की स्यान्ती ओर ६दबाणा, बिसयाँ कान्हीं भाज्जी जान्दी।
सारी इन्द्री जो सैं, उन नै, ७तन नै मन नै कस्ट देण की ॥
करी तपस्या सुद्ध-करण नै, स्योत्रै नै ज्युँ लोग तपाँदे।
कुन्दन करदे खोट जळीँ कैँ, ८सुद्धी अर जो तन मन पै सै ॥
मैल जमी या परत-परत कर, वा करणा तन मन वाणी अर।
ब्योहारों मैं सुच्चापण ल्या, ९क्समा भाव सै बुरा कर्या अर ॥
६भूण्डा फूड्हा, बिसह्य बोल्ल्या, सब नै सहँदा दुख नाँ मात्रै।
७माफ करै गल्ती ओराँ की, ८कथणी, करणी, सोच मनुख की ॥
बोल्लण बतलावण बी सीद्धी, ९ग्यान समझणा बिसै ग्रन्थ का।
जाणन आळ्याँ गुरुआँ पाः जा, ओर १०ग्रन्थ बी बाँच-बूँच कैँ ॥
पड्या जो या समझ न आया, उस नै अनुभव कर कैँ जाणै।
११आस्तिकता हो मान किमे कुछ, तरक, युक्ति तैं परमाणाँ तैं ॥
उप्पर होन्दी चीज परम कुछ, नो ये गुण सुभाव तैं उत्पन।
कर्म कहे सैं ब्राम्हण के सब ॥ ४२

शौर्यं तेजो धृतिर्दाक्ष्यं, युद्धे चाप्यपलायनम्।

दानमीश्वरभावश्च, क्षात्रं कर्म स्वभावजम् ॥ ४३

(छत्री बणदा सात गुणाँ तैं)

१२आण्योँ तैं बलवान सत्रु पै, हिम्मत चढणै की तेज्जी तैं।

तेज दूर तँ ए झळ मारै, ३थ्यावस धीरज, टिकै बात पै ॥
 तन मन नै जिद कस्ट भोत हो, बणदे काम बिगड़दे दीक्खें ॥
 बिपदा आवै घोर भयङ्कर, तद बी धीरज नाँ ए हारै ॥
 ४'दाक्ष्य' चतुरता नीतिकुसलता, बिगड़ी बात बणाणा जाणै ॥
 ५'जुद्धछेत्र तँ करमछेत्र तँ नहीं भाजणा, डट्ट्या रहणा ॥
 ६'दान' प्रव्रिती खुल्लै दिल तँ, देस काल अर पात्र सोच कैँ ॥
 ऐब्बाँ तँ जो दूर रहँ उन, गुणियाँ ओर जरूरतमँद नै ॥
 जीवनसाधन वस्तू बाँडै, ७'आस्रित सरणागत की ॥
 रक्सा करणी जिम्मेदारी, सही राह पै राक्खण खात्तर ॥
 परजा पर सासक मालक हो, राज करण की रहै प्रव्रिती ॥
 राक्खै आप्णी ठकुराई, सात करम ये छत्री के सँ ॥
 पैदा होन्दै सँग ये उत्पन, छत्री की ये सात निसात्री ॥
 रजगुण आळै सुभा कारणै, सान निराळी इन तँ आ ली ॥ ४३

कृषिगौरक्ष्यवाणिज्यं, वैश्यकर्म स्वभावजम् ।

(बैस्य बणावँ करम तीन सँ)

१'खेती-बाड़ी, २'पसु-पालन कर, हरियाळी अर धोळी दोलत ॥
 ३'भोग्गण की अर चीज बणा कैँ, पौहच्या इन नै सही जघाँ पै ॥
 गलत मुनाफा इन पै नाँ ले, ब्याज, किराया, साहूकारी ॥
 इन तँ खुद अर ओराँ की बी, सेवा करणा बैस्य प्रव्रिती ॥

परिचर्यात्मकं कर्म, शूद्रस्यापि स्वभावजम् ॥ ४४

(सूद्र बणावै सेवा का गुण)

इन तीन्हुँ के करमाँ मैँ नित, आप्णी सक्ती ग्यान करम तँ ॥
 साथ निभावँ कला सिलप तँ, कारीगर यँ सेवा कर कैँ ॥
 सुभ सँ होवँ देस काल तँ, ऊप्पर हो कैँ दुनियाँ कैँ हित ॥
 सूद्र वर्ण का, कारीगर का, करम सुभाविक होवै यो सै ॥

(कोण बरण मैँ के गुण मुखिया)

१'बिप्र भाव मैँ सतगुण मुखिया, उस तँ नीच्चा रजगुण होवै ॥
 तामस गुण हो मामूली-सा, २'क्सात्र त्रिती मैँ रजगुण मुखिया ॥
 उस तँ नीचै ओर सतोगुण, कमती होवै तमगुण बिल्कुल ॥
 ३'बैस सुभा मैँ रज, तम, सत् हों, मुख्य गौण अर कमती क्रम तँ ॥
 तम गुण कम नाँ होवै जो तो, लालच त्रिष्णा स्वार्थ प्रबल हों ॥
 ४'सूद्र भाव मैँ तम्, रज, सत हों, मुख्य गौण अर भोतै कम न्यँ ॥

(कदे कोए भाव जागदा)

प्रारब्ध करम भोग्गण खात्तर, काया मिलदी प्राणी नै जो ॥
 गुण सुभाव तँ चाल्लै या सै, तान्ना-बान्ना बण्या विचित्तर ॥
 अबूझ पहेली-सा यो बस्तर, कोण तार सै कित जा भिड़ ज्या ॥
 चाल्ली चाल्ली काया मैँ बी, रङ्ग बिरङ्गे बणैँ डिजाइन ॥
 कदे कोए भाव जागदा, सोवै कदे भाव ओपरा ॥
 रोज-रोज बी घटँ बढँ ये, देस, काळ के, तन के, मन के ॥
 भाव बदलदे बदलै सब कुछ, जड़ अर चेतन सब कुछ बदलै ॥
 माणस मैँ बी ब्राह्मण त्रिती, कदे प्रबल हो छत्रिय त्रिती ॥
 बैस सुभावी कदे बणै वो, तमस् दबावै और गुणाँ नै ॥
 सूद्र बण ज्याँ पण्डत ग्यात्री, पण्डत ग्यात्री सूद्र बण ज्याँ ॥
 सत रज तम कैँ गुण सुभाव की, मुखिया, मद्धम, कमतर स्थिति मैँ ॥
 मुख्य भाव तँ वर्णव्यवस्था, मुख्य भाव ये जनम समै तँ ॥
 होणै कारण 'जाति' कुहावैँ, न्याय सास्त्र की जाती नाँ या ॥
 जाती या नाँ किसै बंस मैँ, कुल मैँ घर ओर घरात्रै मैँ ॥
 जलम लेण तँ कदे होवै सुभा, धरम तँ, करतब तँ ए ॥
 जात बणै सै ईस्वर की दी, जलम लेण तँ अधिकार नहीं या ॥

(जात नहीं अधिकार जनम तँ)

करतब कारण बणै जात सै, सुभा करावै करतब सब तँ ॥
 किरसण नै या बात कही न्यँ, छोडुचैँ इस नै हिन्दू दुक्खी ॥

मान इसे नाँ टूट्टे फरड़े, हिन्दू सारे बँडे खिँडे सैं।
पूळी नाँ सैं बण कै रहँदे, थोड़ी-सी ए बाळ उडावै ॥
आँख खोल कै देकखो भाई, जात-पाँत नै, ऊँच-नीच नै।
बरण भेद नै, बाँड न देकखो, पूज्जो गुण नै जलम न पूज्जो ॥
बाप्पू तैं बेट्टे ने आन्दा, अधिकार जात का इब छोडु।
सुभा जिसा जो जिस का सै वो, उस तैं जाणा ठोड़ बैठणा ॥ ४४

स्वे स्वे कर्मण्यभिरतः, संसिद्धिं लभते नरः।

स्वकर्मनिरतः सिद्धिं, यथा विन्दति तच्छृणु ॥ ४५

(सुभाव करम तैं सिद्धि मिलै सै)

आणै-आणै गुण-सुभाव कै, पाच्छै चाल्लै स्वाभाविक जो।
सास्तर अर देस समाज्जाँ मै, जिसा बताया जिसबिध करणा ॥
उसै करम मै पूरी तहियाँ, लाग्ग्या रहँदा खुस जो माणस।
आच्छी सिद्धी, पूर्ण सफळता, जीणै की वो पावै अर्जन ॥
रज तम तैं जो मन मै आए, मैल हटैं सैं होळै-होळै।
इसै करम तैं, इस तैं माणस, ततवग्यान कै जोग बणै सै ॥ ४५

यतः प्रवृत्तिर्भूतानां, येन सर्वमिदं ततम्।

स्वकर्मणा तमभ्यर्च्य, सिद्धिं विन्दति मानवः ॥ ४६

जिस तैं उत्पत्ती अर चेष्टा, पाँच भूत के पुतळ्याँ की हो।
जिस अन्तर्यामी नै सब या, पकड़ इन्द्रियाँ की मै आई ॥
दुनियाँ सारी धरी बणा कै, कण-कण मै सै ओर समाया।
गुण सुभाव तैं कर्यै करम नै, अर्पित उस अन्तर्यामी की ॥
पूजा, कर कै सिद्धी पावै, मनन'र चिन्तन करणै आळा।
मन एकागर कर कै वो फिर, मनु की सन्तति उत्तम माणस।

ब्रह्मग्यान कै जोग बणै सै ॥ ४६

श्रेयान् स्वधर्मो विगुणः, परधर्मात् स्वनुष्ठितात्।

स्वभावनियतं कर्म, कुर्वन् नाप्नोति किल्बिषम् ॥ ४७

(सुभा गुणाँ का करम स्प्रेष्ठ सै)

गुण सुभाव पै आस्रित आप्णा, करतब चाहे माड़ा होवै।
ओर किसै कै सही ढङ्ग तैं, सही बिधी तैं कर्यै करम तैं ॥
बेहतर कल्ल्याण करै वो सै, गुण सुभाव नै देख बताया।
ओर कर्या जो, उस तैं निश्चित, सास्त्राँ गुरुआँ दुनियाँ नै सै।
उस नै करदा माणस जो सै, नाँ वो पावै पाप कदे बी ॥ ४७

सहजं कर्म कौन्तेय, सदोषमपि न त्यजेत्।

सर्वारम्भा हि दोषेण, धूमेनाग्निरिवावृताः ॥ ४८

(सब करमाँ मै कमियाँ हों सैं)

साथ देह कै बण्या, सुभाविक, करम, पुत्र हे कुन्ती के जो।
खोट्टा, माड़ा, कमियाँ आळा, होवै, तो बी वो नाँ छोडु ॥
क्युँकी आप्णे ओर पराए, सब करमाँ मै दोस रहँ सैं।
धूममै सँग ज्युँ अग्री रहँदा, जित सै धूममाँ, उत सै अग्री ॥
सम्बन्ध जगत् मै यो दीक्खै, न्युँ ए कोए करम इसा नाँ।
कमी नहीं हो कोए जिस मै ॥ ४८

असक्तबुद्धिः सर्वत्र, जितात्मा विगतस्पृहः।

नैष्कर्म्यसिद्धिं परमां, संन्यासेनाधिगच्छति ॥ ४९

(राग न जिस कै सिद्ध बडा वो)

बँधी फँसी नाँ बुद्धी जिस की, उन सब मै जित माणस फँसदा।
जीत्या आप्णा आप्णा जिस नै, नाँ सै जिस कै इच्छा, तिस्णा ॥
कर्म त्याग कै होणै आळी, सब तैं बडुी सिद्धी नै सै।
कर्मफळाँ कै त्याग कारणै, करम न उस नै बाँध सकैं सैं ॥
प्रारब्ध करम भोग जीवदा, जिन का फळ नाँ चाह्या उस नै।
जीन्दै जी जो करे इसे सैं, उन का फळ वो भोगैगा नाँ ॥
कट्टे होए, होंगे पाच्छै, उन की बारी आवण तक वो।
नहीं रहैगा देहबन्ध मै, जीवन्मुक्ती न्युँ वो पा कै ॥

या काया तज फेर न जलमै, फेर न जलमै, नाँ ए जलमै ॥ ४९

सिद्धिं प्राप्तो यथा ब्रह्म, तथाप्नोति निबोध
म

समासेनैव कौन्तेय, निष्ठा ज्ञानस्य या परा ॥ ५०

(राग द्वेस तज ब्रह्मै हो सै)

गुण सुभाव पै आस्रित सारे, कर्माँ नै कर अर्पित प्रभु नै।
चित्त सुद्ध हो उस अर्पण तै, ग्यान राह पै बढदा आगै ॥
जाणै आत्मा नै जिस तहियाँ, समझ तरीक्का वो तै मत्तै।
थोड़े सबदाँ मै ए अर्जन, ओड़ ग्यान का जो परला सै ॥ ५०

बुद्ध्या विशुद्धया युक्तो, धृत्यात्मानं नियम्य च।

शब्दादीन् विषयांस्त्यक्त्वा, रागद्वेषौ व्युदस्य च ॥ ५१

बुद्धी होई न्युँ जो निर्मळ, उस आळा माणस धीरज तै।
पाँच भूत के कारज काया, उस मै स्थित अर ग्यान करम के ॥
साधन उत्तम ग्यारा इन्द्री, इन कै ऊपर स्थित बुद्धी।
सतगुणियाँ वो होणै कारण, स्फटिक मणी-सी निर्मल सै अर ॥
पार दिखान्दी, उस मै भासै, आतम की छवि, जिस कै कारण।
समझै बुद्धी चेतन खुद नै, आभासित उस चेतन कारण ॥
उस इस आप्णै आप्णै नै फिर, मन की डोरी ढीली कर कै।
धीरज तै ए काब्बू कर कै, जिन नै भोग मनुख सै बँधदा ॥
उन बिसयाँ नै ठोड़ बिठा कै, उन मै आनँद नाँ ए लेन्दा।
यो सै आच्छा, प्यारा लागै, यो सै भूण्डा, भोत दुक्ख दे।
राग द्वेस न्युँ मन मै नाँ ल्या, सङ्कल्प न करणै दे मन नै ॥ ५१

विविक्तसेवी लघ्वाशी, यतवाक्कायमानसः।

ध्यानयोगपरो नित्यं, वैराग्यं समुपाश्रितः ॥ ५२

‘भीड़-भाड़ तै सदा बचणियाँ, कूणै रहँदा आनँद लेन्दा।

हळ्का, थोड़ा खाणै आळा, मोन साध कै बाणी नै अर ॥
योगासन तै काया नै अर, सङ्कल्प त्याग कै मन नै बस मै।
रखदा माणस न्युँ इन सब नै, आत्मस्वरूप कै चिन्तन मै लग ॥
उस पै एकाग्र कर्यै चित नै, राख हमेसा इस तहियाँ अर।
मन नाँ रँगणै दे बिसयाँ तै, राग न पाळै किसै बिसै मै ॥ ५२

अहंकारं बलं दर्पं, कामं क्रोधं परिग्रहम्।

विमुच्य निर्ममः शान्तो, ब्रह्मभूयाय कल्पते ॥ ५३

इन्द्री मन अर बुद्धी आळी, काया नै ए ‘मै’ जो जाणै।
इस कै कारण ‘मै’, ‘मै’ करणा, धन जन तन मन बुद्धी सिद्धी ॥
इन की ताकत, ओर म्हसूसी, इच्छा, क्रोध र गैर जरूरी।
साधन राक्खे सुख की खात्तर, इन नै छोड़ै ममता त्यागै ॥
‘मेरा कित के?’, ‘मै ए कोन्या’, मेरैपण का भाव छोड कै।
स्यान्ति परम वो पाया माणस, काम-क्रोध-सी बिसै आग सै ॥
धँधकै खुल कै जिस दुनियाँ मै, उस मै रह बी स्यान्ती पाया।
जीन्दा ए वो मुक्त रहै सै, दुक्ख द्वन्द्व तै सारी तहियाँ।
ब्रह्म होण मै समरथ हो सै ॥ ५३

ब्रह्मभूतः प्रसन्नात्मा, न शोचति न काङ्क्षति।

समः सर्वेषु भूतेषु, मद्भक्तिं लभते पराम् ॥ ५४

(ब्रह्मरूप बण्यै के लच्छण)

ब्रह्मरूप जो होया माणस, आनँदमय वो हो ज्या निस्चै।
नाँ सोच करै, नाँ कुछ चाहै, एक जिसा सब भूत्ताँ कै प्रति।
मेरी भक्ती पावै उत्तम ॥ ५४

भक्त्या मामभिजानाति, यावान्यश्चास्मि तत्त्वतः।

ततो मां तत्त्वतो ज्ञात्वा, विशते तदनन्तरम् ॥ ५५

ग्यान सरूपी उस भक्ती तै वो, मत्रै जाणै ‘जितणा’, ‘जो सूँ’।
‘जितणा सूँ’ उपाधियाँ कारण, ‘जो सूँ’, जिब हौं नहीं उपाधी ॥

‘ततव’, भाव वो मेरा जाणै, ‘पाच्छै मेरा स्वरूप जाण कै।
‘मैं सूँ जो’ या बात समझ कै, आप्णी ‘जीव’ उपाधी तज कै।
मैं ए हो कै मुझ मैं मिल ज्या, उस कै पाच्छै माणस वो सै ॥ ५५

सर्वकर्माण्यपि सदा, कुर्वाणो मद्व्यपाश्रयः।
मत्प्रसादादवाप्नोति, शाश्वतं पदमव्ययम् ॥ ५६

‘आच्छे, माड़े सुभ ओर असुभ, सास्त्र समाज बताए, रोक्के।
चाह कै फळ या करदा होवै, किसी निमित्त तैं करदा या हो ॥
सबी तहाँ के कर्म हमेसा, करदा आ कै मेरी सरणै।
कर कै मनै कर्म समर्पित, मेरी किरपा तैं वो पावै।
नित्य अनासी ठाँ अविकारी ॥ ५६

चेतसा सर्वकर्माणि, मयि संन्यस्य मत्परः।
बुद्धियोगमुपाश्रित्य, मच्चित्तः सततं भव ॥ ५७

(अर्जुन तैं दी सल्हा किसन नै)

‘आच्छे माड़े स्वाभाविक सब, दृस्ट अदृस्ट प्रयोजन आळे।
नित, नैमित्तिक ओर काम्य बी, सबी तहाँ के सब करमाँ नै ॥
मन तैं तज कर मुझ पर अर्पित, मुझ पर हो कै आस्रित अर्जन।
मत्रै सब तैं ऊप्पर बड्डा, समझणियाँ तैं हो ज्या अर्जन ॥
‘ज्ञानयोग पै हो कै आस्रित, स्वरूप समझ कै साङ्ख्य बुद्धि तैं।
‘करमयोग नै जीवन मैं ले, ‘मत्रै रखदा आप्णै मन मैं।
मेरै मैं ए चित्त लगा ले, नित्य, निरन्तर, जीवै जिब तक ॥ ५७

मच्चित्तः सर्वदुर्गाणि, मत्प्रसादात्तर्ष्यसि।
अथ चेत् त्वमहंकारान्, न श्रोष्यसि विनङ्क्ष्यसि ॥ ५८

‘मुझ पै आप्णा चित्त लगा कै, ‘मत्रै अर्पित मन नै कर कै।
मत्रै ए तैं मन मैं रखदा, सारी दुर्गम कठिनाई जो ॥
तेरै रस्तै पै आवैगी, मेरी किरपा तैं, तैं उन नै।

पाच्छै छोडूँगा, अर जै तैं, ‘मैं’ मैं आ कै नहीं सुणैगा।
सबबिध होगा नस्ट अरै तैं ॥ ५८

यदहंकारमाश्रित्य, न योत्स्य इति मन्यसे।
मिथ्यैष व्यवसायस्ते, प्रकृतिस्त्वां नियोक्ष्यति ॥ ५९

(गलत कर्या सै निर्णे तनै)

जै “मैं अर्जन कौरूबंसी, आपणै गरुआँ भाइयाँ नै नाँ।
जुध मैं मैं इब झोक्कूँगा अर, नास न इन का करूँ, कराऊँ ॥
नहाँ लडूँगा, निस्चै मेरा,” न्यूँ तैं मात्रै सै झूट्टा।
यो निस्चै तेरा रै अर्जन, के सै तेरी औकात भला?।
होणी ओर सुभा बी तत्रै, ईब लगावैँ गो इस जुध मैं ॥ ५९

स्वभावजेन कौन्तेय, निबद्धः स्वेन कर्मणा।
कर्तुं नेच्छसि यन्मोहात्, करिष्यस्यवशोऽपि तत् ॥ ६०

(सुभा ठाकरी लडवावैगा)

रजगुण संग तैं छत्री जाम्या, धर्मसुरक्षा खात्तर मरणा।
ओर मारणा कर्तब तेरा, सुभाव बी तो यो ए पाया।
कुन्ती के सुत अर्जन, उस्सै, रजगुण कारण बण्यै सुभा तैं।
बँध्या खड्ग्या तैं बेबस आप्णै, लडणै-भिडणै कै कर्तब तैं।
करणा नाँ तैं चाहै इब जो, हङ्कार मोह कै कारण सै।
करणा होगा बेबस हो कै, नाँ चाँहदे बी वो रै अर्जन ॥ ६०

ईश्वरः सर्वभूतानां, हृद्देशेऽर्जुन तिष्ठति।
भ्रामयन् सर्वभूतानि, यन्त्रारूढानि मायया ॥ ६१

(हिरदै मैं बड़ ईस्वर नाँच नचावै)

ईस्वर, मालक, सासन करदा, दुनियाँ पै वो सब भूताँ की।
पाँच ततव तैं बण्यै सबै की, बुद्धिगुफा मैं अर्जन, बैट्ट्या ॥
भरमाँदा चकरी पै चड्डे, पाँच ततव तैं बण्यै सबी नै।

‘माया’ आप्णी सत रज तम तैं, ब्रह्माण्ड भाँड की रचना करदी।

उस सक्ति अविद्या कै द्वारा ॥ ६१

तमेव शरणं गच्छ, सर्वभावेन भारत।

तत्प्रसादात् परां शान्तिं, स्थानं प्राप्स्यसि शाश्वतम् ॥ ६२

(ईस्वर की तैं सरण चल्या जा)

उस की ए तैं सरण चल्या ज्या, सबी तहाँ तैं, तन मन मति तैं।
भरतबंस मैं जाए अर्जन, उस की किरपा पा कै परली।।
जिस कै ऊपर कोए नाँ सै, वा स्यान्ती, ठाँ पावैगा तैं।

‘सास्वत’, नित्य, सनातन जो सै ॥ ६२

इति ते ज्ञानमाख्यातं, गुह्याद् गुह्यतरं मया।

विमृश्यैतदशेषेण, यथेच्छसि तथा कुरु ॥ ६३

(कर जो तत्रै आच्छा लागै)

न्यूँ तत्रै सै तेरै तई यो ग्यान बखाण्या, गहरै तैं बी।
गहरा मत्रै सोच समझ यो पूरी तहियाँ, आगै पाच्छै।
छोड न किम्मे ज्यूँ तैं चाहै, न्यूँ तैं कर ले अर्जन, इब तो ॥ ६३

सर्वगुह्यतमं भूयः, शृणु मे परमं वचः।

इष्टोऽसि मे दृढमिति, ततो वक्ष्यामि ते हितम् ॥ ६४

(बात आखरी सुण ले मेरी)

सब तैं जादा गुपत र गहरी, सुण तैं मेरी बात आखरी।
प्यारा तैं सै मत्रै करड़ा, इस तैं बोह्लूँ तेरा हित गा ॥ ६४

मन्मना भव मद्भक्तो, मद्याजी मां नमस्कुरु।

मामेवैष्यसि सत्यं ते, प्रतिजाने प्रियोऽसि मे ॥ ६५

मेरै मैं तैं मन ला आप्णा, मेरी ए सेवा मैं लग ज्या।
मेरी भक्ती सरणागत कर, मेरा एक सहारा ले ले।।
भ्यग अर पूजा, दान करम सब, यैं बी कर तैं मेरी खात्तर।
मेरै आगै लेट दण्डवत्, मत्रै ए तैं नमन सदा कर।।

‘मत्रै ए तैं पावै जा गा’, साच्ची तत्रै करूँ प्रतिग्या।

वचन इसा मैं देऊँ तत्रै, प्यारा सै तैं मत्रै अर्जन ॥ ६५

सर्वधर्मान् परित्यज्य, मामेकं शरणं व्रज।

अहं त्वां सर्वपापेभ्यो, मोक्षयिष्यामि मा शुचः ॥ ६६

जग यो सारा रहै चालदा, धर्या रहै यो न्यूँ ए चलदा।
जघाँ समै अर पात्र समझ कै, व्यक्ति, समाज कै, जग कै हित मैं।।
करम, नियम अर बिधि की रचना, लोक सास्त्र नै करी समझ कै।
नाँ जो व्यस्टि-समस्टीहित मैं, वैं सैं करम नहीं ए करणे।।
उन सब धर्माँ कर्माँ नै तज, मेरी एक सरण मैं आ ज्या।
मैं तत्रै सब गेरणिये, जलम-मरण के सुख-दुख देन्दे।
पाप-पुण्य तैं छुटवाऊँगा, मतन्या सोच करै तैं अर्जन ॥ ६६

इदं ते नातपस्काय, नाभक्ताय कदाचन।

न चाशुश्रूषवे वाच्यं, न च मां योऽभ्यसूयति ॥ ६७

(गीताग्यान न किन नै देणाँ)

यो तत्रै नाँ कहणा चाहिए, आच्छे-से कुछ करम करण नै।
नाँ तप्पी जो उस माणस नै, नाँ भक्तिरहित जन नै कदे।
भक्ति बणावै नरम मनुख नै, गुण यो बड्डा ग्यान पाण नै।
नाँ सुणना चाहै नाँ उस नै, सेवा भाव न होवै जिस मैं।
अर नाँ उस नै, जो सै माणस, ईर्खा कर कै दोस लिकाडै।

उस नै बी तैं नाँ यो कहणा ॥ ६७

य इमं परमं गुह्यं, मद्भक्तेष्वभिधास्यति।

भक्तिं मयि परां कृत्वा, मामेवैष्यत्यसंशयः ॥ ६८

(भगताँ नै यो ग्यान बताणाँ)

जो नर परलै दरजै कै इस, गूढ ग्यान नै मेरी भगती।
करणाळ्याँ मैं खोल्लह कहैगा, भगती मुझ मैं परली कर कै।

मत्रै ए जाः गा, वो हो कै, सारे संसै छिन-भिन होया ॥ ६८

न च तस्मान् मनुष्येषु, कश्चिन् मे प्रियकृत्तमः।

भविता न च मे तस्मादन्यः प्रियतरो भुवि ॥ ६९

(उस तँ प्यारा मत्रै नाँ सै)

नाँ अर उस तँ मनुखाँ मैं सै, कोए मेरा प्यारा सब तँ।

होगा नाँ अर मेरा उस तँ, ओर घणा प्यारा धरती पै ॥ ६९

अध्येष्यते च य इमं, धर्म्यं संवादमावयोः।

ज्ञानयज्ञेन तेनाहमिष्टः स्यामिति मे मतिः ॥ ७०

(गीता पढणै का लाभ कह्या)

कण्ठ करै गा, समझै गा अर, जो धरम तँ नाँ दूर रहँदी।

इस बातचीत नै हाम् दो की, उस ग्यान यग्य तँ वा मेरी।

पूजा होगी, यो मैं मात्रूँ ॥ ७०

श्रद्धावाननसूयश्च, शृणुयादपि यो नरः।

सोऽपि मुक्तः शुभाँल्लोकान्, प्राप्नुयात्पुण्यकर्मणाम् ॥ ७१

सर्धा राक्खै, खोट न काडै, सुण बी ले जो माणस, वो बी।

जीते जी ए बन्धन छूट्या, तन तज मङ्गलमय लोकाँ नै।

पावै पुण्य करणियाँ कै वो ॥ ७१

कच्चिदेतच्छ्रुतं पार्थ, त्वयैकाग्रेण चेतसा।

कच्चिदज्ञानसंमोहः, प्रणष्टस्ते धनंजय ॥ ७२

(अर्जन तेरा भरम मिट्या के?)

कै यो सुण्या प्रिथा के बेट्टे, तत्रै एकाग्र कर्यै मन तँ?।

कै सै नाँ-समझी तँ होया, भरम भाज गया तेरा अर्जन? ॥ ७२

अर्जुन उवाच

नष्टो मोहः स्मृतिर्लब्धा, त्वत्प्रसादान् मयाच्युत।

स्थितोऽस्मि गतसन्देहः, करिष्ये वचनं तव ॥ ७३

अर्जन बोल्ल्या

(अर्जन नै हाँ मैं मूँड हलाया)

ततव किमे नाँ जाणूँ मैं था, नाँ-समझी तँ मोह घणा था।

भाज्या मेरा मोह ईब सै, आप्पा जाण्या भूँल्ल्या जो था ॥

वो याद आ गया आज मत्रै, तेरी किरपा पा कैँ किरसण।

टिक गया सूँ सन्देहरहित हो, ईब करूँगा कहणा तेरा ॥ ७३

संजय उवाच

इत्यहं वासुदेवस्य, पार्थस्य च महात्मनः।

संवादमिममश्रौषमद्भुतं रोमहर्षणम् ॥ ७४

सञ्जै बोल्ल्या

(सञ्जै नै फेर बात समेट्टी)

न्यूँ मत्रै वसुदेवपुत्र का, ओर प्रिथा के पुत्र महात्मा।

अर्जन का यो संवाद सुण्या, इसा सुण्या नाँ कदे किसै नै।

रूँग खड़े यो करणै आळा ॥ ७४

व्यासप्रसादाच्छ्रुतवानेतद् गुह्यमहं परम्।

योगं योगेश्वरात् कृष्णात्, साक्षात् कथयतः स्वयम् ॥ ७५

व्यास महर्सी की किरपा तँ, सुण्या यो खूब गहरा मत्रै।

ग्यान ऊँचळा सब तँ बड्डा, निस्काम करम, ध्यान भक्ति के ॥

दो रस्ते अर, च्यार तहँ का योग किरसण तँ, इन योगगाँ कै।

स्वामी तँ स्याम्हीं कहँदे खुद ॥ ७५

राजन् संस्मृत्य संस्मृत्य, संवादमिममद्भुतम्।

केशवार्जुनयोः पुण्यं, हृष्यामि च मुहुर्मुहुः ॥ ७६

(संवाद याद कर खुसी भोत सै)

म्हाराज, याद कर-कर किरसण, अर्जन, की या बातचीत जो।

नोक्खी न्यारी दुनियाँ मैं सै, पुण्य पवित्तर निर्मळ करदी।

सुणनाळै नै सै, मैं बी अर, खुस बी हो ह्या फेर-फेर तैं ॥ ७६

तच्च संस्मृत्य संस्मृत्य, रूपमत्यद्भुतं हरेः।

विस्मयो मे महान् राजन्, हृष्यामि च पुनः पुनः ॥ ७७

(विराट रूप सुमिर अचरज हो ह्या)

वो अर कर-कर याद, अनोक्खा, बिस्मैकारी रूप क्रिसण का।

अचरज मत्रै भोत घणाँ सै, राज्जा जी, मैं खुस हो ह्या सूँ।

फेर-फेर सूँ, खुस राज्जा जी, फेर-फेर सूँ, अर फेर-फेर सूँ ॥ ७७

यत्र योगेश्वरः कृष्णो, यत्र पार्थो धनुर्धरः।

तत्र श्रीर्विजयो भूतिर्, ध्रुवा नीतिर्मतिर्मम ॥ ७८

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
श्रीकृष्णार्जुनसंवादे मोक्षसंन्यासयोगो नामाष्टादशोऽध्यायः ॥ १८ ॥

(सञ्जै का निचोड़)

जित सै ग्यान करम ध्यान तथा, भक्ति मार्ग पै सही चलान्दा।

सब योगगाँ का स्वामी किरसण, जित सै उन पै चाल्लणिया।

सुण कै उन नै धनुस उठान्दा, पिरथा का सुत धनुस पकड़ कैँ।

त्यार खड़्या मैदान अड़्या सै, उत सै 'स्री' सब जिस का आस्रै।

लेन्दे माणस सबी भाँत के, वा लिछमी सब की खुसहाल्ली।

ओर जीत सै या उत मिलदी, बैभव थिर बिस्तार सिरी का।

'नीती' रस्ता सही राह पै, चाल्लण राक्खण का उत सै।

यो सै निस्चै ओर मानणा, मेरा, राज्जा जी, सै यो ए ॥ ७८

(मङ्गल-गायन)

कला सोळहाँ तैं पूर्ण पुरुस, किरसण नै थी खुद समझाई।

वेद पुराणाँ अर सास्तराँ के, ग्यानी रिसि नै अर्जन ताई ॥ १

करमक्सेत्र मैं धरमभूमि पै, म्हाभारत मैं छन्द बन्ध मैं।

याद करण मैं हो आसानी, गूढ भोत बी सरल सबद मैं ॥ २

एकै आत्मा व्यापत जग मैं, जड़ मैं, चेतन हाम् थम उस मैं।

भेदभाव सैं सारे झूठे, हाजर नाजर मान सबै मैं ॥ ३

एकै आत्मा परमेसर नै, लड़ो मरो नाँ तम्ह आप्स मैं।

खाणी-पीणी, रहणी-सहणी, राह बताई ग्यान करम मैं ॥ ४

गीत्ता सै या सबद रूप मैं, सारी ए दुनियाँ की माई।

इस नै बाँचो, पड़ो, समझो, चाल्लो इस पै अर सब भाई ॥ ५

जीणा सब का सुखमै होगा, राग द्वेस से भाव मिटँ गे।

करतब मारग सोण्हा अपणा, सब के सारे बन्ध कटँ गे ॥ ६

म्हारी भूमी पै या गीत्ता, हरियाणी मैं क्यूँ नाँ होवै?

हरियाणा का गौरव होवै, हरियाणी-भासा-मान बढै ॥ ७

वत्स-घोस यो फिर तैं होवै, तन मन धन बुद्धी प्यार बढै।

गावाँ सारे मिल कैँ हम सब, जै हरियाणा जै हरियाणा।

भारत की होगी जै इस तैं, जै भारत कह नाम बढाणा ॥ ८

स्रीमती सीत्तादेब्बी अर स्रीस्रीनिवास सास्तरी कै बेट्टे सिवनारायण

सास्तरी कै हरियाणी भास्सा कै गीत्तायन काब्ब्य भास्स्य मैं

ठाहमाँ अद्ध्याय पूरा होया ॥ १८ ॥

पूर्वसलोकयोग ६२२ + ७८ = ७००